



অবিলম্বে প্রকাশের জন্য: 10/21/2025

গভর্নর ক্যাথি হোকল

ফার্ম-টু-স্কুল মাস উপলক্ষে গভর্নর হোকল ঘোষণা করেছেন যে, নিউ ইয়র্কের স্কুলগুলোতে আরো বেশি নিউ ইয়র্কের উৎপাদিত খাদ্য সরবরাহের জন্য 10 মিলিয়ন মার্কিন ডলার বরাদ্দ করা হয়েছে

রিজিওনাল স্কুল ফুড ইনফ্রাস্ট্রাকচার গ্রান্ট প্রোগ্রামের 3 রাউন্ডের আবেদন এখন খোলা হয়েছে

এই প্রোগ্রামটি পাঁচ বছরের মধ্যে সারা স্টেট ব্যাপী বিভিন্ন প্রকল্পে 50 মিলিয়ন মার্কিন ডলার বরাদ্দ দিচ্ছে, যার মাধ্যমে শিক্ষার্থীদের জন্য টাটকা ও সম্পূর্ণ নতুনভাবে রান্না করা খাবার প্রস্তুত করা হবে এবং একই সঙ্গে নিউ ইয়র্কের কৃষকদেরও সহায়তা প্রদান করা হবে

এই উদ্যোগটি গভর্নরের 2025 সালের স্টেট অভ দ্য স্টেট অগ্রাধিকারগুলোর ওপর ভিত্তি করে গঠিত, যার লক্ষ্যই হলো শিক্ষার্থীদের কাছে নিউ ইয়র্কের উৎপাদিত খাদ্য পৌঁছে দেওয়া, খাদ্য নিরাপত্তাহীনতার বিরুদ্ধে লড়াই করা এবং সারা স্টেটব্যাপী স্থানীয় খাদ্য উৎপাদনকে আরো শক্তিশালী করা

ফেডারেল সরকারের শাটডাউন এবং অবিবেচক বাজেট কাটছাঁটের ফলে ফেডারেল অর্থায়নে পরিচালিত খাদ্য কর্মসূচিগুলো হুমকির মুখে পড়লেও, এই উদ্যোগটি নিউ ইয়র্কবাসীর খাদ্যপ্রাপ্তি নিশ্চিত করার প্রচেষ্টাকে অব্যাহত রাখছে

ফার্ম-টু-স্কুল মাস উপলক্ষে গভর্নর Kathy Hochul (ক্যাথি হোকল) আজ ঘোষণা করেছেন যে নিউ ইয়র্কের রিজিওনাল স্কুল ফুড ইনফ্রাস্ট্রাকচার (Regional School Food Infrastructure, RSFI) গ্রান্ট প্রোগ্রামের রাউন্ড 3 এর মাধ্যমে 10 মিলিয়ন মার্কিন ডলার উপলভ্য রয়েছে, যার মাধ্যমে আরো বেশি নিউ ইয়র্কের খাদ্য নিউ ইয়র্কের স্কুলের শিক্ষার্থীদের কাছে পৌঁছে দেওয়া যাবে। এই প্রোগ্রামটি নিউ ইয়র্কের স্কুলগুলোতে এমন প্রকল্পগুলোকে সহায়তা প্রদান করে যা কিন্ডারগার্টেন থেকে 12তম গ্রেড পর্যন্ত শিক্ষার্থীদের জন্য খাবার প্রস্তুতি এবং বিতরণ উন্নত করে। RSFI প্রোগ্রামটি প্রথম গভর্নরের 2023 সালের স্টেট অফ দ্য স্টেট-এ ঘোষণা করা হয়েছিল এবং এই প্রোগ্রামের মাধ্যমে যোগ্য আবেদনকারীদের জন্য পাঁচ বছরের মধ্যে 50 মিলিয়ন মার্কিন ডলার বরাদ্দ করা হয়, যাতে তাজা, পুষ্টিকর খাবার স্থানীয়ভাবে প্রস্তুত ও প্রক্রিয়াকরণ করা সহজ হয়, আরো স্বাস্থ্যকর ও স্থানীয় নিউ ইয়র্কের খাদ্যপণ্য ব্যবহারের সুযোগ বৃদ্ধি পায়, এবং নিউ ইয়র্কের কৃষকদেরও সহায়তা প্রদান করা হয়। এই প্রোগ্রামটি কেবল একটি

উদাহরণ, যা দেখায় যে নিউ ইয়র্ক স্টেট কীভাবে খাদ্য নিরাপত্তাহীনতা কমানো এবং কৃষকদের সহায়তা করা প্রাধান্য দেয়, যা ফেডারেল সরকারের গুরুত্বপূর্ণ পুষ্টি কর্মসূচিগুলিতে অবিবেচক কাটছাটের সঙ্গে তুলনীয় নয়।

“ট্রাম্প প্রশাসনের খাদ্য কর্মসূচিতে বিপজ্জনক কর্তনের পর এই অবিবেচক ফেডারেল শাটডাউন চলতে থাকায়, আমি গর্বের সঙ্গে বলতে চাই যে নিউ ইয়র্ক স্টেটে আমরা খাদ্য নিরাপত্তাহীনতা কমানোর পাশাপাশি কৃষকদের জন্য বাজারের সুযোগ বৃদ্ধি করার আমাদের লক্ষ্যগুলো এগিয়ে নিয়ে যাচ্ছি,” **গভর্নর Hochul (হোকল) বলেন।** “আমাদের রিজিওনাল স্কুল ফুড ইনফ্রাস্ট্রাকচার প্রোগ্রাম আমাদের কৃষক এবং স্কুলগুলোকে একত্রিত করে, কৃষি শিল্পকে সমর্থন প্রদান করে এবং নিশ্চিত করে যে আমাদের শিক্ষার্থীদের শেখার ও বিকাশের জন্য প্রয়োজনীয় যথেষ্ট স্থানীয়, তাজা খাবার রয়েছে। এই প্রকল্পগুলোর জন্য বরাদ্দকৃত তহবিল স্কুলগুলোকে তাদের নিজস্ব সুবিধায় শিক্ষার্থীদের জন্য স্বাদযুক্ত, তাজা খাবার সম্পূর্ণ নতুনভাবে প্রস্তুত করতে প্রয়োজনীয় সহায়তা প্রদান করবে এবং আমাদের খাদ্য ব্যবস্থার স্থিতিশীলতাকেও আরো বেশি শক্তিশালী করবে।”

নিউ ইয়র্ক স্টেট ডিপার্টমেন্ট অভ এগ্রিকালচার অ্যান্ড মার্কেটস দ্বারা পরিচালিত, রিজিওনাল স্কুল ফুড ইনফ্রাস্ট্রাকচার গ্রান্ট প্রোগ্রামটি নিউ ইয়র্কের স্কুলগুলোকে শিক্ষার্থীদের জন্য তাজা, পুষ্টিকর খাবার সম্পূর্ণ নতুনভাবে প্রস্তুত করার জন্য প্রয়োজনীয় সম্পদ প্রদান করছে। প্রোগ্রামের তহবিল ব্যবহার করে এমন সুবিধা উন্নয়ন করা হবে যা অর্গানাইজেশনগুলোকে খামারের পণ্য একত্রিত করা, সংরক্ষণ করা, প্রক্রিয়াকরণ করা এবং স্থানেই প্রস্তুত করার সুযোগ প্রদান করবে। প্রোগ্রামটি কমিউনিটির চাহিদার ভিত্তিতে স্কুল, কমিউনিটি এবং শিক্ষার্থীদের কাছে রান্নার কলা, খাদ্য প্রক্রিয়াকরণ, নিরাপদ খাদ্য পরিচালনা ও সংরক্ষণ, লজিস্টিক, ডেলিভারি এবং আরো বিষয়ে প্রশিক্ষণ প্রদান করে কর্মশক্তি উন্নয়নকেও উৎসাহিত করে।

আজ লং আইল্যান্ডে একটি বিশেষ অনুষ্ঠানে তহবিলের উপলভ্যতার ঘোষণা দেওয়া হয়েছিল, যেখানে স্টেট এগ্রিকালচার কমিশনার Richard A. Ball (রিচার্ড এ. বল) ইস্ট এন্ড ফুড ইনস্টিটিউট পরিদর্শন করেন এবং অর্গানাইজেশনটির অত্যাধুনিক ফুড হাবের অগ্রগতি উদযাপন করেন, যা আংশিকভাবে RSFI প্রোগ্রামের দ্বিতীয় ধাপের মাধ্যমে প্রাপ্ত 5 মিলিয়ন মার্কিন ডলার স্টেট তহবিল দ্বারা সমর্থিত। কমিশনার এবং অতিথিরা নির্মাণাধীন সুবিধাটি ঘুরে দেখেন এবং অর্গানাইজেশনের পরিকল্পিত কমিউনিটি ফুড গার্ডেনের জন্য প্রথম হার্বসও রোপণ করেন।

ইস্ট এন্ড ফুড ইনস্টিটিউট যা প্রোগ্রামের দ্বিতীয় ধাপের দুইটি প্রাপকের মধ্যে একটি এই তহবিলটি ব্যবহার করছে তাদের ফুড হাবের কাজ চালিয়ে যাওয়ার জন্য, যা লং আইল্যান্ড অঞ্চলে খাদ্য একত্রিকরণ, প্রক্রিয়াকরণ এবং বিতরণের জন্য একটি কেন্দ্রীভূত হাব হিসেবে কাজ করবে। প্রকল্পটি সেই লজিস্টিক্যাল চ্যালেঞ্জগুলো মোকাবিলায় কেন্দ্রীভূত হবে যা স্কুল এবং প্রতিষ্ঠানগুলো স্থানীয় খাদ্য সংগ্রহে সম্মুখীন হয়, যেমন বিডিং, মূল্য নির্ধারণ এবং বিতরণ সংক্রান্ত সীমাবদ্ধতা। ইস্ট এন্ড ফুড ইনস্টিটিউট এই প্রকল্পে কর্মশক্তি উন্নয়ন প্রশিক্ষণ অন্তর্ভুক্ত করবে, যেখানে কর্মীদের খাদ্য প্রস্তুতি ও উৎপাদনের উপর কেন্দ্রিক প্রশিক্ষণ প্রদান করা হবে। পরিকল্পিত ফুড হাবের রেন্ডারিংস [ডিপার্টমেন্টের ওয়েবসাইটে](#) রয়েছে। এই প্রকল্পটি সাউদাম্পটন ইউনিয়ন ফ্রি স্কুল ডিস্ট্রিক্ট, ওয়েস্টহ্যাম্পটন বিচ স্কুল ডিস্ট্রিক্ট, রিভারহেড সেন্ট্রাল

স্কুল ডিস্ট্রিক্ট (Central School District, CSD), কপিয়াগ স্কুল ডিস্ট্রিক্ট, নর্থ শোর স্কুল ডিস্ট্রিক্ট এবং হাফ হলো হিলস স্কুল ডিস্ট্রিক্টকে সহায়তা করবে।

অতিরিক্ত RFP তথ্য

প্রকল্পের প্রস্তাবগুলোকে স্টেটব্যাপী কেন্দ্রীভূত করে তৈরি করা উচিত, যা কিন্ডারগার্টেন থেকে 12ম গ্রেড পর্যন্ত স্কুলের শিক্ষার্থীদের জন্য খাবার প্রস্তুতি উন্নত করা, খাদ্য নিরাপত্তাহীনতা কমানো, নিউ ইয়র্ক স্টেটের উৎপাদকদের জন্য বাজারের সুযোগ বৃদ্ধি করা এবং আমাদের স্টেটের খাদ্য ব্যবস্থার স্থিতিশীলতা শক্তিশালী করা লক্ষ্য করবে। প্রোগ্রামটি নির্ধারণ করে যে তহবিলপ্রাপ্ত সুবিধাগুলোকে একাধিক স্কুল ডিস্ট্রিক্ট সেবা প্রদান করতে হবে এবং স্থানীয় কমিউনিটিকে সহায়তা করতে হবে, যার মধ্যে কর্মশক্তি উন্নয়নের সুযোগ প্রদানও অন্তর্ভুক্ত। গ্রান্ট তহবিল অঞ্চলভিত্তিক স্কুল অবকাঠামোর জন্য তাজা খাবার প্রস্তুতি এবং বিতরণ সমর্থন করার মূলধন প্রকল্পের খরচের জন্য উপলভ্য, যেমন একত্রীকরণ, সংরক্ষণ হাব, অথবা কমিসারি-ধরনের কিচেন। যোগ্য আবেদনকারীদের মধ্যে নন-প্রফিট অর্গানাইজেশন, স্থানীয় পৌরসভা, স্কুল ডিস্ট্রিক্ট, এবং বোর্ড অভ কোঅপারেটিভ এডুকেশন সার্ভিসেস (Boards of Cooperative Education Services, BOCES) অন্তর্ভুক্ত।

পাঁচ বছরের মধ্যে স্টেটব্যাপী প্রতিটি অঞ্চলে তহবিল বরাদ্দ করা হবে, প্রতি বছর একসঙ্গে দুটি ভিন্ন অঞ্চলে 5 মিলিয়ন মার্কিন ডলার প্রদান করা হবে। [প্রথম ধাপের তহবিল পশ্চিম নিউ ইয়র্ক এবং নর্থ কান্ট্রি অঞ্চলের প্রকল্পগুলিতে বরাদ্দ করা হয়েছিল](#) এবং দ্বিতীয় ধাপের [তহবিল লং আইল্যান্ড এবং সেন্ট্রাল নিউ ইয়র্কের প্রকল্পগুলোতে প্রদান করা হয়](#)। পরবর্তী ধাপে আরো দুটি অঞ্চলে প্রতি অঞ্চলে 5 মিলিয়ন মার্কিন ডলার বরাদ্দ করা হবে, যতক্ষণ না সব অঞ্চলকে তহবিল প্রদান করা হয়।

রাউন্ড 3 এর প্রস্তাব জমা দেওয়ার শেষ তারিখ 20 জানুয়ারি, 2026, বিকাল 3:00।

প্রোগ্রাম, প্রকল্পের যোগ্যতা এবং আবেদন প্রক্রিয়া সম্পর্কে আরো তথ্যের ভিজিট করুন: agriculture.ny.gov/Funding-Opportunities। এই রিকোয়েস্ট ফর প্রপোজালসের গুরুত্বপূর্ণ বিবরণসমূহ নিয়ে একটি তথ্যবহুল ওয়েবিনার [এখানে](#) দেখা যাবে।

নিউ ইয়র্ক স্টেট অ্যাগ্রিকালচার কমিশনার Richard A. Ball (রিচার্ড এ. বল) বলেন,

“বিভাগের আমাদের অগ্রাধিকারের একটি হলো নিশ্চিত করা যে নিউ ইয়র্কের কৃষকরা তাদের তাজা, স্থানীয় খাদ্য সরাসরি আমাদের কমিউনিটিতে পৌঁছে দিতে পারেন এবং আমাদের স্কুলগুলোর কাছে সেই সরঞ্জাম থাকা নিশ্চিত করা যা দিয়ে তারা সম্পূর্ণ নতুনভাবে রান্না করতে পারে এবং আমাদের কৃষক ও উৎপাদকদের তৈরি উপাদান ব্যবহার করতে পারে—এটি সেই প্রচেষ্টার একটি গুরুত্বপূর্ণ অংশ। প্রোগ্রামের প্রথম দুই ধাপের মাধ্যমে আমরা ইতোমধ্যেই কিছু উত্তেজনাখাতে পরিপূর্ণ অগ্রগতি দেখছি, যেমন ইস্ট এন্ড ফুড ইনস্টিটিউট-এর নেতৃত্বে একটি নতুন ফুড হাব, যা কৃষক এবং শিক্ষার্থীদের উভয়ের জন্যই উপকারে আসবে। আমি এই গুরুত্বপূর্ণ কর্মসূচিতে অব্যাহত সহায়তার জন্য গভর্নর Hochul (হোকল)-কে ধন্যবাদ জানাই এবং সকল যোগ্য আবেদনকারীকে রাউন্ড 3 এর জন্য আবেদন করার কথা বিবেচনা করার জন্য অনুপ্রাণিত করি, যা আমাদের খাদ্য ব্যবস্থাকে শক্তিশালী করার পাশাপাশি আমাদের কৃষকদের সহায়তা করবে এবং শিক্ষার্থীদের জন্য সুস্বাদু, স্বাস্থ্যকর ও স্থানীয়ভাবে তৈরি খাবার সরবরাহ করার সুযোগ প্রদান করবে।”

ইস্ট এন্ড ফুড ইনস্টিটিউট-এর এক্সিকিউটিভ ডিরেক্টর Marci Moreau (মার্সি মোরো) বলেন, “রিজিওনাল স্কুল ফুড ইনফ্রাস্ট্রাকচার প্রোগ্রামের মাধ্যমে গভর্নর Hochul (হোকল) এবং কমিশনার Ball (বল)-এর চলমান সহায়তা নিউ ইয়র্কের খাদ্য ব্যবস্থাকে রূপান্তরিত করেছে এবং আরো স্থিতিশীল স্থানীয় খাদ্য নেটওয়ার্ক গঠনে সহায়তা করেছে। ইস্ট এন্ড ফুডের আমরা সকলেই এই অংশীদারিত্বের জন্য গভীরভাবে কৃতজ্ঞ, যা আমাদের কৃষক এবং স্কুলগুলোকে একত্রিত করে, স্থানীয় কৃষিকে সমর্থন করে এবং প্রতিটি শিশুর তাজা, পুষ্টিকর খাবারের অ্যাক্সেস নিশ্চিত করে। ইস্ট এন্ড ফুড ইনস্টিটিউটে, আমরা বিশ্বাস করি যে যখন আমরা কৃষক এবং স্কুলগুলোকে একত্রিত করি, তখন শিক্ষার প্রক্রিয়া নিজেই উন্নত হয় এবং শিক্ষার্থীরা কেবল স্বাস্থ্যকর খাবারই পায় না, বরং তাদের খাবার কোথা থেকে আসে এবং যারা এটি চাষ করে তাদের সম্পর্কে আরো গভীর ধারণাও লাভ করে। এই তহবিলগুলো আমাদের একটি শক্তিশালী, আরো সংযুক্ত খাদ্য ব্যবস্থা গড়ে তুলতে সাহায্য করার ক্ষেত্রে গুরুত্বপূর্ণ, যা শরীর, মন এবং কমিউনিটিকে পুষ্টি জোগায়। আমরা এই সুযোগের জন্য কৃতজ্ঞ এবং আমাদের প্রতিদিনের কাজের মাধ্যমে এটিকে সম্মান জানাতে প্রতিশ্রুতিবদ্ধ।”

সাউথাম্পটন স্কুলস-এর ডিরেক্টর অব ফুড সার্ভিসেস Regan Kiembock (রেগান কিয়েমবক) বলেন, “কিন্ডারগার্টেন থেকে 12ম গ্রেড পর্যন্ত স্কুল ফুড সার্ভিস ডিরেক্টর হিসেবে 25 বছরের বেশি সময় ধরে কাজ করার পাশাপাশি ফার্ম-টু-স্কুলের প্রতি দৃঢ় আগ্রহ থাকা অবস্থায়, আমি আনন্দিত যে নিউ ইয়র্ক স্টেট এবং আমাদের গভর্নর এখানে লং আইল্যান্ডের স্কুলগুলোতে শিক্ষার্থীদের জন্য স্থানীয় খাদ্যের প্রাপ্যতা বৃদ্ধি করতে এই বিনিয়োগ করেছেন। ইস্ট এন্ড ফুড ইনস্টিটিউট সকলের জন্য একটি মূল্যবান সম্পদ হবে যারা আমাদের স্কুলের ক্যাফেটেরিয়ায় শিক্ষার্থীদের জন্য তাজা, স্থানীয় এবং স্বাস্থ্যকর খাবার সরবরাহে প্রতিশ্রুতিবদ্ধ, কারণ এটি শুধু আমাদের কৃষক এবং স্থানীয় উৎপাদকদের সাথে সংযোগ স্থাপন এবং কেনাকাটা সহজ করবে না, বরং আমাদের একটি কর্মশক্তি উন্নয়ন প্রোগ্রামও দেওয়া হবে, যা কর্মীদের সম্পূর্ণ নতুনভাবে খাবার প্রস্তুত করার প্রশিক্ষণ দেবে। এটি সকলের জন্য একটি সত্যিকারের জয়ী জয়ী পরিস্থিতি।”

স্টেট সিনেটর Michelle Hinchey (মিশেল হিঞ্চি) বলেন, “খাদ্য নিরাপত্তা কর্মসূচিতে ফেডারেল কর্তনের ফলে নিউ ইয়র্ক স্টেটব্যাপী শিশুরা এবং পরিবারগুলো তাদের প্রয়োজনীয় খাবারের প্রাপ্যতা হারাবে। যেখানেই স্টেট জনগণকে রক্ষা করতে এবং খাদ্যের অ্যাক্সেস সম্প্রসারণের জন্য পরিবর্তন আনতে পারে, আমরা সেখানেই পদক্ষেপ নিচ্ছি। এর মধ্যে রয়েছে রিজিওনাল স্কুল ফুড ইনফ্রাস্ট্রাকচার গ্রান্ট প্রোগ্রামকে সমর্থন করা, যা স্কুলগুলোকে তাজা, স্বাস্থ্যকর খাবার সংরক্ষণ, রান্না এবং পরিবেশন করার জন্য মূলধন তহবিল প্রদান করে—সাথে সাথে নিউ ইয়র্কের কৃষকদের উচ্চমানের পণ্য শিক্ষার্থীদের থালায় পৌঁছে দিতে সহায়তা করে। আমি গভর্নর Hochul (হোকল) এবং কমিশনার Ball (বল)-কে এই গুরুত্বপূর্ণ প্রোগ্রামকে অগ্রাধিকার দেওয়ার জন্য ধন্যবাদ জানাই এবং সকল যোগ্য আবেদনকারীকে আবেদন করার জন্য উৎসাহিত করি।”

অ্যাসেসম্বলিমেন্সার Donna Lupardo (ডোনা লুপার্ডো) বলেন, “রিজিওনাল স্কুল ফুড ইনফ্রাস্ট্রাকচার গ্রান্ট প্রোগ্রামটি স্কুল এবং অন্যান্য প্রতিষ্ঠানগুলোকে তাদের পরিবেশিত খাবারে তাজা, স্থানীয় পণ্য অন্তর্ভুক্ত করতে সহায়তা করেছে। এই প্রোগ্রামটি নিউ ইয়র্কের পরিশ্রমী কৃষকদের সমর্থন দেয়, স্বাস্থ্যকর ও পুষ্টিকর খাবারের ব্যবহারকে উৎসাহিত করে এবং একই

সঙ্গে স্থানীয় খাদ্য ব্যবস্থাকে শক্তিশালী করে। আমি স্কুল ডিস্ট্রিক্টসমূহকে এই তৃতীয় ধাপের তহবিলের জন্য আবেদন করতে উৎসাহিত করি; এই গুরুত্বপূর্ণ অবকাঠামো বিনিয়োগগুলো ভবিষ্যতের জন্য দীর্ঘমেয়াদী সুফল প্রদান করবে।”

অ্যাসেম্বলিমেন্সার Jodi Giglio (জোডি গিগ্লিও) বলেন, “রিজিওনাল স্কুল ফুড ইনফ্রাস্ট্রাকচার গ্রান্ট প্রোগ্রামটি নিশ্চিত করতে সহায়তা করবে যে নর্থ ফর্কে আমাদের শিক্ষার্থীদের কাছে তাদের শেখার জন্য প্রয়োজনীয় পুষ্টিকর, স্থানীয়ভাবে উৎপাদিত খাদ্য পৌঁছায়। এছাড়াও, এই প্রোগ্রামটি আমাদের স্থানীয় কৃষকদের সমর্থন দেয়, তাই এটি সকলের জন্য একটি সত্যিকারের জয়-জয়কার পরিস্থিতি। আমি ইস্ট এন্ড ফুড ইনস্টিটিউটকে এই পুরস্কারের জন্য অভিনন্দন জানাই এবং প্রকল্পটি বাস্তবায়িত হতে দেখার অপেক্ষায় আছি।”

ইস্ট এন্ড ফুড ইনস্টিটিউটের প্রোগ্রাম ডিরেক্টর এবং সোল ক্রিয়েশনস অ্যাপোথেকারি অ্যান্ড হার্ব ফার্ম-এর মালিক Kayla Barthelme (কায়লা বার্থেলমে) বলেন, “কমিশনার Ball (বল) এবং আমাদের কমিউনিটিকে ইস্ট এন্ড ফুড হাবে স্বাগত জানানো আমার জন্য একটি সম্মানের বিষয়। ইস্ট এন্ডে একজন ছোট কৃষক এবং হার্বালিস্ট হিসেবে আমি ঔষধি হার্বস উৎপাদন করি এবং অন্যান্য স্থানীয় চাষী, উৎপাদক এবং শিক্ষকদের সঙ্গে কাজ করি, যাদের একটি অভিন্ন লক্ষ্য রয়েছে: আমাদের কমিউনিটিকে স্বাস্থ্যবান, সংযুক্ত এবং মাটি থেকে শুরু করে পুষ্টিকর রাখা। আমরা যারা এখানে কৃষিকাজ করি, তাদের জন্য এই প্রকল্পটি কেবল একটি ভবনের চেয়ে অনেক বেশি কিছু প্রতিনিধিত্ব করে - স্থানীয় কৃষির ভবিষ্যতের জন্য এটি আশার আলো। ইস্ট এন্ড ফুড হাব কৃষকদের আমাদের পণ্যগুলো দক্ষতার সাথে এবং সাশ্রয়ী মূল্যে প্রক্রিয়াজাতকরণ, সংরক্ষণ এবং বিতরণের জন্য দীর্ঘদিনের প্রয়োজনীয় অবকাঠামো প্রদান করবে। এটি লং আইল্যান্ডের লং আইল্যান্ডে উৎপাদিত খাদ্য বজায় রাখতে সাহায্য করবে — আমাদের স্কুল, হাসপাতাল এবং পরিবারগুলিকে খাদ্য সরবরাহ করবে, একই সাথে কৃষকদের তাদের পছন্দের কাজ চালিয়ে যাওয়ার স্থিতিশীলতা দেবে। আমরা প্রায়ই 'ক্রমবর্ধমান কমিউনিটি' নিয়ে কথা বলি এবং এই প্রকল্পটি ঠিক এটাই করে। এটি কৃষক এবং প্রতিবেশীদের মধ্যে সম্পর্ককে আরো দৃঢ় করে এবং আমাদের মনে করিয়ে দেয় যে যখন আমরা স্থানীয় খাদ্যে বিনিয়োগ করি, তখন আমরা সত্যিই মানুষের মধ্যে বিনিয়োগ করছি—স্থিতিশীলতা, টেকসইতা এবং এই ভূখণ্ডের যৌথ গল্পে।”

রিজিওনাল স্কুল ফুড ইনফ্রাস্ট্রাকচার গ্রান্ট প্রোগ্রামের পাশাপাশি, গভর্নর Hochul (হোকল) শিক্ষার্থীদের এবং সকল নিউ ইয়র্কবাসীর জন্য খাদ্যের প্রাপ্যতা বৃদ্ধি করার অগ্রাধিকার অব্যাহত রেখেছেন, যেখানে ডিপার্টমেন্ট অভ অ্যাগ্রিকালচার অ্যান্ড মার্কেটস বিভিন্ন প্রোগ্রাম বাস্তবায়ন করেছে যাতে একটি আরো স্থিতিশীল খাদ্য ব্যবস্থা গড়ে তোলা যায় এবং কৃষকরা নতুন স্থানীয় বাজারের সঙ্গে সংযোগ স্থাপন করতে পারেন।

গভর্নর Hochul (হোকল) এর নেতৃত্বে, নিউ ইয়র্ক স্টেট নরিশ নিউ ইয়র্ক প্রোগ্রাম, স্কুলের খাবারের জন্য 30 শতাংশ নিউ ইয়র্ক স্টেট ইনিশিয়েটিভ, ফার্ম-টু-স্কুল প্রোগ্রাম, ফ্রেশকানেক্ট ফ্রেশ2ইউ ইনিশিয়েটিভ, ফুড অ্যাক্সেস এক্সপ্যানশন গ্রান্ট প্রোগ্রাম, ফার্মস মার্কেট নিউট্রিশন প্রোগ্রাম, আরবান ফার্মস অ্যান্ড কমিউনিটি গার্ডেনস গ্রান্টস প্রোগ্রাম এবং আরো অনেক কিছুকে সমর্থন করে চলেছে। এই বিনিয়োগগুলো গভর্নরের সেই অঙ্গীকারের ওপর ভিত্তি করে গঠিত, যা নিউ ইয়র্কের কৃষি পণ্যের চাহিদা বৃদ্ধি করা, নিউ ইয়র্কের খাদ্য সরবরাহ চেইনকে

শক্তিশালী করা এবং নিশ্চিত করা যে সকল নিউ ইয়র্কবাসী তাজা, স্থানীয় খাদ্যে পৌঁছাতে পারেন। এর মধ্যে রয়েছে গভর্নরের এক্সিকিউটিভ অর্ডার 32, যা স্টেট সংস্থাগুলোকে নির্দেশ দেয় যে তারা তাদের মোট ক্রয়ের মধ্যে পাঁচ বছরের মধ্যে নিউ ইয়র্কের কৃষক ও উৎপাদকদের কাছ থেকে প্রাপ্ত খাদ্যের শতাংশ 30 শতাংশে বৃদ্ধি করবে। নিউ ইয়র্ক স্টেট গ্রোন অ্যান্ড সার্টিফাইড ইনফ্রাস্ট্রাকচার, টেকনোলজি, রিসার্চ অ্যান্ড ডেভেলপমেন্ট গ্রান্ট প্রোগ্রামের জন্য গভর্নর 25 মিলিয়ন মার্কিন ডলারের প্রতিশ্রুতি দিয়েছেন, যাতে নিউ ইয়র্কের উপাদান ব্যবহারকারী খাদ্য উৎপাদক, প্রক্রিয়াকরণকারী, পরিবেশক এবং অন্যান্যদের উদ্ভাবনী নিউ ইয়র্ক স্টেট গ্রোন অ্যান্ড সার্টিফাইড পণ্য বাজারে আনতে সহায়তা করা যায়।

গভর্নর Hochul (হোকল) জুন মাসে আরো [ঘোষণা করেছেন](#) যে রেজিলেন্ট ফুড সিস্টেম ইনফ্রাস্ট্রাকচার গ্রান্ট প্রোগ্রামের মাধ্যমে স্টেটব্যাপী 19টি প্রকল্পের জন্য 13.7 মিলিয়ন মার্কিন ডলার তহবিল প্রদান করা হবে, যা সরবরাহ চেইনের মধ্যবর্তী পর্যায়ে কাজ করা কৃষক এবং খাদ্য ব্যবসায়ীদের মূলধন এবং প্রযুক্তিগত সহায়তা প্রদান করবে, খাদ্য ব্যবস্থার সমন্বয় বাড়াতে এবং কৃষকদের বাজারে প্রবেশের সুযোগ উন্নত করতে সহায়তা করবে। এই বিনিয়োগ আমাদের স্টেটের খাদ্য উৎপাদক এবং খুচরা ব্যবসায়িক কার্যক্রমের মধ্যে সংযোগ স্থাপন করতে সহায়তা করবে।

###

আরো খবর www.governor.ny.gov-এ পাওয়া যাবে
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418
গভর্নরের অফিস থেকে আপডেট পেতে সাইন-আপ করুন: ny.gov/signup | NEW YORK লিখে 81336 নম্বরে
টেক্সট পাঠান

[আনসাবস্কাইব করুন](#)